

Šta je donio Erasmus projekt osnaživanja internacionalizacije u visokom obrazovanju BiH

Kako je sarajevski student otišao u Portugal

Erasmus plus uključuje i stipendiju kojom se pokrивaju životni i putni troškovi. Za studente od 750 do 850 eura dnevno

Univerzitet u Sarajevu (UNSA) već treću godinu provodi Erasmus plus projekt „Osnaživanje internacionalizacije u visokom obrazovanju BiH“ (STINT). Iza ovog podugog naslova nalazi se platforma koja okuplja sve javne univerzitete u BiH, predstavnike vlasti u oblasti obrazovanja i grupu prestižnih univerziteta Belgije, Velike Britanije i Portugala.

Evropska mreža

U Službi za međunarodnu saradnju UNSA ističu da projekt doprinosi, ali i potvrđuje da je bh. akademska zajednica prepoznata i

većim dijelom integrirana u prostor visokog obrazovanja EU.

- BiH kao zemlja partner učestvuje u aktivnostima programa kojima upravlja Izvršna agencija za obrazovanje, audiovizuelne djelatnosti i kulturu (EACEA). Budžet, koji za cijeli program iznosi 14,7 milijardi eura za cijeli svijet, dodjeljuje agencija na osnovu uspješnih projektnih aplikacija. Visokoobrazovne institucije, ali i pojedinci, studenti, profesori i saradnici u nastavi, imaju pristup EU programima kao što je Erasmus plus - poručuju iz Službe.

UNSA trenutno implementira 12 Erasmus plus projekata za izgradnju kapaciteta, te sa 77 univerziteta u Evropskoj uniji ima potpisane bilateralne ugovore.

- Studenti mogu slušati predavanja, polagati ispite i ostvariti potrebne ECTS bodove. Na taj način imaju priliku da prošire svoja lingvistička, kulturološka i obrazovna iskustva, upoznaju nove ljude, ali i sklope dugotrajna prijateljstva. Erasmus plus uključuje i stipendiju kojom se pokrивaju životni i putni troškovi. Njihov iznos varira. Zavisno od standarda zemlje,

za studente od 750 do 850 eura, a za akademsko i administrativno osoblje od 100 do 160 eura dnevno - pojašnjavaju iz Službe.

Podsjećaju da je ovim programom omogućeno da više od 150 studenata, nastavnika i saradnika UNSA provede akademsku ili administrativnu godinu izvan zemlje, dok je oko 100 stranih studenata, nastavnika i saradnika primljeno na Univerzitet u Sarajevu.

Za mnoge studente Erasmus plus je još nepoznanica, unatoč nizu aktivnosti koje se rade u cilju promocije. Za početak, informacije se mogu pronaći na portalu www.erasmus-unsba.ba.

Iz prve ruke

Student treće godine marketing menadžmenta na engleskom jeziku UNSA Dejan Zolić, koji je učestvovao u programu razmjene studenata Erasmus plus, za „Avaz“ priča da je za njega to bilo jedno posebno iskustvo. Kaže da je od prijatelja čuo za program.

- Dodatno sam se informirao i donio odluku da



Zolić: Procedura nije komplikovana

idem. Jedan od najvećih razloga što sam želio otići bila je zasićenost našim sistemom. Koliko god se trudite, radite, ja konkretno radim od 16. godine, stalno vas zasipaju istim nebitnim informacijama. Dosadila mi je politika - iskren je Zolić.

Napominje da mu se od ponuđenih destinacija za koje može aplicirati najviše svidio Porto. Želja mu se

ispunila. Portugal je na pola godine zamijenio BiH.

- Dobio sam mjesečnu stipendiju u iznosu od 800 eura. Tamo mi je to bilo više nego dovoljno. Nisam morao razmišljati o parama, studirao sam na miru - govori on.

Svojim boravkom u Portu ovaj 22-godišnji mladić je oduševljen. Kaže da je kiriju za stan u kome je boravio plaćao 240 eura.

- To je bio stan od 250 kvadrata. Imao sam svoju sobu s toaletom, a jedna cimerka mi je bila iz Kenije, druga iz Brazila. Bilo nam je predivno. Smatram benefitom biti cimer s dvije žene jer je sve urednije. S Kenijkom sam svako jutro pio čaj. Rekla je da će doći u Sarajevo na ljetovanje, a ona je mene pozvala u Keniju - prisjeća se Zolić, napominjući da je redovno odlazio na predavanja i polagao ispite.

Svrha cijelog programa, ističe on, je zapravo želja da mladi postanu evropejci, upoznajući različite kulture i načine života, a ne nacionalisti.

T. ROKVIĆ

Dobar prosjek nije uvjet

- Studenti kod nas nisu upućeni dovoljno u sam program. Uopšte nije komplikovano. Prijavite se, popunite aplikaciju koja se razlikuje od univerziteta do univerziteta, izrazite želju gdje želiti boraviti tih šest mjeseci. Pogrešno je mišljenje većine studenata da je

jedan od uslova dobar prosjek ocjena, da je to samo za najbolje studente. Moj prosjek i nije tako dobar, ali sam prošao. Aplicirati se može na dva-tri mjesta i obično vas za jedno izaberu. Jedini uslov za sve je položen engleski jezik - kaže Zolić.

On poručuje svim stu-

dentima koji budu aplicirali da obrate pažnju u koju zemlju žele ići jer, napominje, nije isto primati stipendiju od 800 eura u Portugalu, gdje je to sasvim dovoljno za pristojan život, ili 850 u Amsterdamu, koji je znatno skuplji, pa se samim tim i teže uklopiti.